

# Oot quih conteetxyat quih cōiscaaoo hac

Jesús Morales, tiix oaah iha.

Conteeetxyat, tiix haaho com iti tiji, toc cōquij iha. Oot timoca mos haaho timoca itaao, toc cōmoca ha. Ziix quij cōiifp cah hantiiqui xah itoocta, ox xah iyo.

—Hamiigo ¿áz iscasijimya, hisaax cōtij? Hamiigo ihpocaaao, xoque. Mmm.

—He ziix oo zo casijim  
xahxaii hiz cohpmij —ox  
xah iyo.

Ox tpacta ma, ox xah yee:  
—¿Áz is haquix ccacatim  
aya? —ox tee yoque.

—Cooza hant ipot coii ih  
hiza toii ma, he taax cqueecöl ih, hiz cohpmij —ox xah iyo.



---

*Ziix hapte iha comcaac quih ocoaaj quih ano yaii.* (Acervo de textos seri.) © 2007. Editado por René Montaño Herrera.

[http://lengamer.org/admin/language\\_folders/seri/user\\_uploaded\\_files/links/File/Acervo\\_de\\_Textos/acervo\\_de\\_textos.htm](http://lengamer.org/admin/language_folders/seri/user_uploaded_files/links/File/Acervo_de_Textos/acervo_de_textos.htm)

Ediciones anteriores:

- Herrera T., Roberto; Jesús Morales y Juan Topete. 1976. *Zix anxö cóohhiit hapáh quih czáxö zix quihmáa táax mos czaxöiha* (*El gigante llamado comelón y otras historias*). Pp. 13-14. México, D.F.: Instituto Lingüístico de Verano. [compilado por Edward Moser y Mary Moser]
- Herrera T., Roberto y Jesús Morales, narradores. 1983. *Hapxa quih oot cop cōihaasitim ac czaxöiha: ziix quih hmaa taax mos czaxöiha. Como el Conejo engaño al Coyote y otros cuentos*. Pp. 23-30. México, D.F.: Instituto Lingüístico de Verano. [compilado por Mary Moser]
- [texto glosado]:  
[http://lengamer.org/admin/language\\_folders/seri/user\\_uploaded\\_files/links/File/Textos/SeriTexts.htm](http://lengamer.org/admin/language_folders/seri/user_uploaded_files/links/File/Textos/SeriTexts.htm).

—Hamiigo ¿zó tooza? Yaza quih impoaa x, he cmeesxö.

—Iihah hi. ¿Taax xah ziix z isahii ca haaya? ¿Taax ziix xah z hant isiip haaya? Taax oo cötquimjöc, ox tcooza a, hacöa — ox xah yee, ziix tiquij ah conteetxyat quij ah, oye.

—Haaho iti cooxölolca coox oo ptiicx popaquim, spacotim ha, teque, hiz kömiihca —ox xah mee.

—Ox popacta ta x, ihpsojox haa hi —tee, yoque.

Ziix cop ai ihacoxl iti, hapx iiqui yopanzx. Hapx iiqui tpanzx, toii ntita ma, xajii ipaai ihipi köccaahca pac toc cötahca ma, taax contita, toii ntiya, conteetxyat quij. Hipí xah quiho cah köiyaasitim, oot quij. Köitaasitim, toii ntiya, conteetxyat quij.

Taa kööha ha.

